

凡江海潮信盛于晦朔其長在子午二時過此二日則水勢日縮而至期亦日晏武林元妙觀中有子午二泉一長于子時一長于午時每日如此無論晦朔此與水經注灘水之朝夕塘皆不可以常理測也

唐元宗遷居西內後爲李輔國所弑史家多不載惟王性之默記述晏元獻識玉牒體事頗詳又雜記云明皇不得其死人罕知之後溫韜發唐陵見明皇首乃破兩半以銅絲縫合不知元獻所見者卽此顛否又樵書載明道雜誌云長安有安氏得明皇髑髏光作紫金色家遂大富事之甚謹後氏析居爭髑髏致斧爲數片人分一片而去据此則明皇一顛生而劈死而合合而復劈何其苦也何其勞也

昔人云借書一癡還書一癡或曰癡乃紙之謬蓋借書還書並當以紙酒往耳元吾衍閑居錄云紙乃瓦甓以承其書籍古書無方冊恐其遺落耳愚

謂古人承書者或以衣

說文帙書衣也

或以匱

尙書

乃納策于金縢之匱中

或以

囊

說文囊書囊也

或以

匱

出道藏

或以笥簾之屬獨未聞納于瓦甓者况道路挈携

瓦甓非便且書則有繁簡安在其必爲一紙耶

前載王孫一名具五義又按紅姑娘一名亦具四物本草雀甓一名蛄蜥房一名紅姑娘又錦荔枝苦瓜並名紅姑娘又有草葉旁結一紅子如楊梅差小亦曰紅姑娘